

## Hosea

Propete Hosea gêjam mêtê lau anga gamêñ Israelña kêdaguc propete Amos. En gêjam kôm mêtêña gêdêñ têm ñawapac gêmuñ siñ, tañ gesen malac Samaria su gêdêñ jala 721 gêmuñ Kilisi gêmêñ nomña nañ. Lau sêjam sakin gwam ma sêwi Anôtô siñ kêkêñ wapac en ñanôgeñ. Hosea tau gêjam awê mockain ma gebe êtu ñadôndôn êpi launêñ lêñ sêwi Anôtô siñña. Anôtônê lau sêwi Apômtau siñ kêtôm Hoseanê awê Gomer gêwi en siñ kêtû mockainoña. Mago êtu ñamu Anôtônê têtac gêwiñ tengeñña taé walô nê lau, tec ênam kôm êpi lau Israel e sêmu dêndêñ en sêna êtiam ma têtû ênê lau êtiam. Anôtônê ñalô ñagêdô, tañ kepen aêacnêñ ñalêlôm nañ, gêwa ênê têtac gêwiñ nê lauña sa. Anôtô kêsôm gebe “O Israel, aê jawi aôm siñ amboac ondoc. Aê jandec aôm amboac ondoc. Nôc ñalêlôm kêkac aê gebe jañgôm aôm sec atom, gebe aê têtac gêwiñ aôm kêlêlêc.”

<sup>1</sup> Apômtaunê bin gêdêñ Beri latu Hosea. En kêkêñ bin tau gêdêñ Usia agêc Jotam ma Ahas agêc Hesekia sêjam gôliñ gamêñ Judana, ma Joas latu Jerobeam gêjam gôliñ gamêñ Israel ña.

### *Hoseanê awê to nê gôlôac*

<sup>2</sup> Gêdêñ tañ Apômtau kêsôm bin kêsa Hosea awasun kêtû ñamata nañ, en kêsôm gêdêñ Hosea gebe “Ajôc, ôna ma ônam awê mockaino ten êtu nêma awê ma ôka ñapalê mockainña lasê gebe lau gamêñ tonecña sêgôm mockain kapôêñ gebe sêwi Apômtau siñ.” <sup>3</sup> Amboac tonan en gêja jagêjam Diblaim latuo

Gomer ma enj taê ma kêkôc ñapalê ñac tenj. <sup>4</sup> Ma Apômtau kêsôm gêdêñ enj gebe “Wê ênê ñaê gebe ‘Jesrel’, gebe ñasawa dambêgenj, go aê jakêñ ñagêjô êndêñ Jehunê gôlôac êtu dec, tanj enj kêkêc sinj anja Jesrel nanj, ma aê gabe jansenj gôlinj kinja su anja Israelnêñ gôlôac. <sup>5</sup> Ma êndêñ bêc tonanj aê oc japônj Israelnêñ talam tulu anja gaboanj Jesrelña.”

<sup>6</sup> Awê tau taê kêtiam ma kêkôc ñapalêo tenj. Ma Apômtau kêsôm gêdêñ Hosea gebe “Wê ênê ñaê gebe ‘Taêwalômêo’. Gebe aê gabe taêc walô gôlôac Israelña e jasuc êsêacnêñ binj ôkwi êtiam atom. <sup>7</sup> Mago aê gabe taêc walô gôlôac Judanja ma aê, Apômtau, nêñ Anôtô, gabe janam êsêac kêsi. Aê gabe janam êsêac kêsi ña talam to tubac ma ña sinj to hos ma lau, tanj sêngônj hos ñaô nanj atom.” <sup>8</sup> Gêdêñ tanj Taêwalômêo gêwi su sinj nanj, Gomer taê kêtiam ma kêkôc ñapalê ñac tenj. <sup>9</sup> Ma Apômtau kêsôm gebe “Wê ênê ñaê gebe ‘Ñoc lau atom’ gebe amac Israel atu aêñoc lau atom ma aê katu amacnêñ Anôtô atom.”

### *Israel êtu wakuc êtiam*

<sup>10</sup> Mago lau Israelnêñ namba oc êtôm ganjac gwêcña, tanj tanam dôñ ma tasa sa dangôm êtôm atom nanj. Ma anja gamêñ, tanj sêsôm gêdêñ êsêac gebe “Aêñoc lau atom” nanj, oc sêsôm êndêñ êsêac gebe “Anôtô mata jali latui amac.” <sup>11</sup> Ma oc sênac lau Juda to lau Israelña sa sêpi tageñ ma êsêac oc sêpi sêmêñ anja gamêñ tau gebe Jesrel ñabêc oc êtu bêc kapôênanô.

## 2

<sup>1</sup> Amboac tonañ asam nêmlasitêwai gebe “Anôtônê lau” ma lômio gebe “Apômtaunê taê walô.”

### *Mockainjo Gomer—mockainjo Israel*

<sup>2</sup> Njoc ñapalêac, atenjenemi kêsi-kêsigenjen — akac tenemi gebe enjenêtu aênjoc awê kêtiam atom ma aê katu ênê akwenjen kêtiam atom. Enjenêwi nê mockainjo to êtu mandabnja sinjen. <sup>3</sup> Embe masi, go aê oc jakwalec ênê ñakwê su e êkô ôli ñaôma êtôm bêc, tanjen têna kêkôc enjen nanjen. Aê oc janjôm enjen êtôm nom ñakelenjen to gasanjen ma bu êjô enjen êndu. <sup>4</sup> Aê oc taêc walô ênê gôlôac atom gebe nênenjen ñam kêsêp mockainjo <sup>5</sup> gebe êsêac tenenjen kêtumockainjo su. Enjen kêkôc êsêac, mago kêsa nê lênenjen maja gêbacgenjen. Enjen kêsôm gebe “Aê jandanjuc njoc lau-têntac-gêwinjen-aêwaga. Êsêac oc sêkênenjen gênenjen taniñna ma bu to ñakwê ma obo to niptêkwi ma wain êndênjen aê.”

<sup>6</sup> Kêtumonanjen aê oc jambôc ênê intêna auc ña gênenjen têkwa-têkwa. Aê gabe jamboa tunjbôm êkô enjen auc gebe enjen êsa awê atom. <sup>7</sup> Enjen embe êlêti êndanjuc nê ñaci, mago enjen oc êtôm gebe ê êsêac tônjen atom. Enjen oc ensom êsêac, mago êtap nê intêna sa atom. Go enjen êsôm gebe “Aê oc jamu jandênjen njoc akwenjen ñamatañna jana êtiam gebe gamoa gawinjen enjen ñajam kêlêlêc galoc nec su.”

<sup>8</sup> Ma enjen kêjala gebe aê tauc tonec tec kakênenjen polom to wain ma niptêkwi gêdênjen enjen nec atom. Ma aê tec kakênenjen silber ma gold ñanô lasê, tanjen enjen kêkênenjen kêtumgêjam sakinjen Bal nanjen. <sup>9</sup> Amboac tonañ êndênjen têm, tanjen sejonjen ñanô nanjen, aê oc jakôc polom to wain, tanjen kakênenjen gêdênjen enjen nanjen su, ma aê oc jakôc obo

to ñakwê, tañ kakêñ gêdêñ eñ kêtú eñ êkwa nê ôli ñaôma nañ auc. <sup>10</sup> Go aê jakwalec nê ñakwê su e ôli ñaôma êsa êmoa ênê lau-têtac-gêwiñ-eñwaga sêlic ênê ôli ñaôma ma ñac teñ ênam eñ kêsí ança ñoc lemoc êñgôm êtôm atom. <sup>11</sup> Aê oc jansenê ênê bêc êtu samucña samob su êwiñ ênê om kapôên ma ênê om êtôm ajôñña to ênê om sabat ma om dabuñ ñagêdô samob. <sup>12</sup> Aê gabe jansenê ênê wainmôkê to jambô su gebe eñ kêsôm gebe “Gêñkaiñ tonañ kêtú ñoc ñaôli, tañ lau-têntac-gêwiñ-aêwaga sêkêñ gêdêñ aê nañ.” Aê oc jakêñ gêñ tau êtu salen ma bôcbôm oc sensenê gêñ tau su. <sup>13</sup> Aê oc jakêñ ñagêjô êndêñ eñ êtu têm samob, tañ eñ kêlinê aê sinê nañ, gêdêñ eñ gêsôb gêñmalu gêdêñ Bal nê om ma jagêjam gêlôn tau ña pocawa to gold ma kêlêti kêdaguc nê lau-têntac-gawin-eñwaga e kêlinê aê sinê. Apômtau kêsôm binê tau tonañ.

### *Apômtau têtac gêwiñ nê lau*

<sup>14</sup> Kêtú tonañña aê gabe jatêlam eñ e jasa gamên sawa jana, ma jasôm binê malônê êndêñ eñ. <sup>15</sup> Ança tônê aê jakêñ ênê kôm wainña êndêñ eñ êtiam ma jakêñ gaboañ Akorña êtu katam takêñ matenña. Ança tônê eñ êjô aê aoc êtôm gêmunña gêdêñ eñ gêmoa awêtakinjenê, gêdêñ têm, tañ eñ kêsá ança gamên Aiguptunña gêmên nañ. <sup>16</sup> Êndêñ bêc tônê eñ oc êsam aê gebe “Ñoc akwenê.” Eñ êsam aê gebe “Ñoc Bal” êtiam atom. <sup>17</sup> Gebe aê oc jakôc Balnêñ ñaê su ança eñ awasun ma eñ êsam nêñ ñaê êsa êtiam atomanô. <sup>18</sup> Êndêñ bêc tônê aê oc jamoatinê poac êndêñ bôcbôm ma moc umbonê ñalabuña ma êndêñ gêñ sêgalabña sêmoa nom ma jansenê talam to tubac

ma siñ su anğa gamêñ samob ma jakêñ aôm ôsa taôm sic towamagen.

<sup>19</sup> Aê oc janam aôm ôtu ñoc awê enden tîñgen. Aê oc jamoa jawiñ aôm mansañ to êndêngeñ ma têtac gêwiñ to taêc walô aôm ñanô.

<sup>20</sup> Aê oc janam aôm ñañêngeñ. Ma aôm oc ôjala gebe nê m Apômtau aê.

<sup>21-22</sup> Êndên bêc tonañ aê oc jajô ñoc lau Jesrel nêñ mec teterña, ma jakêñ kom ênac êsêp nom ma nom oc êkêñ polom ñanô ma wain ñanô to katêkwi ñanô.

<sup>23</sup> Ma aê, Apômtau, jasê Jesrel êsêp nom gebe êtu aênoc gêñ.

Ma taêc walô awê “Taêwalômêo”, ma jasôm êndên ñac “Ñoc lau atom” gebe” ñoc Lau amac”, ma êsêac sêsôm gebe “Ma Anôtô aôm goc.”

### 3

#### *Hosea agêc awê mockainjo*

<sup>1</sup> Apômtau kêsôm biñ gêdên aê gebe “Ôna êtiam ma têtac êwiñ awê ten, tañ ênê akwen têtac gêwiñ en ñañ, mago gêgôm mockainjo. Têtac êwiñ en êtôm aê, Apômtau, têtac gêwiñ Israel gamoa. Israel tonañ sêjam tañ òkwi gêdên anôtôi ñagêdô ma sebe sêkêñ polom ñakana ñakelen êndên êsêac êtu da.”

<sup>2</sup> Amboac tonañ aê gajam ôli en ña silber 15 ma polom ñanô ñadôn 7. <sup>3</sup> Aê kasôm gêdên en gebe “Aôm ômoa ôwiñ aê ñasawa baliñ ma ôtu mandab atom. Aôm ônêc ôwiñ ñac ten atomanô ma aê amboac tonañen.” <sup>4</sup> Ñam gebe bêc taêsam lau Israel oc sêmoa tonên kiñ masi ma kasêga masi, nêñ da masi

me nêḡ alê dabuḡ masi, nêḡ kapoac sêpucḡa masi to nêḡ gwam masi, gebe têtḡ kênac têm ḡamuḡa. <sup>5</sup> Êtu ḡamu lau Israel oc sêmu sêmêḡ ma sensom nêḡ Apômḡtau Anôtô ma nêḡ kiḡ Dawid. Êndêḡ noc tonanḡ êsêac sêndêḡ Apômḡtau to ênê moasiḡ ḡajam totêtêc taugenḡ.

## 4

### *Apômḡtau kêsôm lau Israel*

<sup>1</sup> Amac lau Israel, anḡ Apômḡtaunê biḡ. Gebe Apômḡtau kêsôm lau tonecḡa tonamgenḡ. “Biḡ ḡaḡêḡ to têtac êwiḡ gêc gamêḡ tau atom ma êsêac sêjala Anôtô atom amboac tonanḡenḡ. <sup>2</sup> Mago êsêac sêpuc boa lau to sêsau biḡdansanḡ ma sêjac ḡamalac êndḡ. Êsêac sêjam genḡenḡ to sêgôm gêḡ mockaiḡo to mockaiḡḡa. Gêḡ ḡaclai sec gêjam sêga ma sêjac ḡamalac sêjac ḡawae. <sup>3</sup> Amboac tonanḡ gamêḡ tau gêjam taḡi sa ma lau samob, taḡ sêḡgôḡ gamêḡ tau nanḡ, têtḡ palê e sênanḡa. Bôc tokaiḡ-tokaiḡ samob to moc, taḡ sêmoa umbonḡ ḡalabu nanḡ, ma i, taḡ sêmoa gwêc ḡalêlôm nanḡ, samob oc sênanḡa.”

### *Apomḡtau kêsôm dabuḡwaga*

<sup>4</sup> Apômḡtau kêsôm gebe “Teḡ êsôm to êmêtôc lau atom, aêḡoc biḡ gêdêḡ amac dabuḡwaga tec gêc. <sup>5</sup> Amboac tonanḡ aôm ônac taôm êndḡ êndêḡ oc ma propete oc ênac tau êndḡ êndêḡ êmbêc êwiḡ aôm. Ma aê oc jansenḡ aôm tênam su amboac tonanḡenḡ. <sup>6</sup> Aêḡoc lau sêjanḡa gebe sêjam kauc aê. Aôm kôbaliḡ mêtê tokauc siḡ, tec aê oc jambaliḡ aôm siḡ amboac tonanḡenḡ. Aê jatiḡ aôm su anḡa kôm dabuḡwaganḡa. Aôm kôliḡ nêḡ Anôtô nê biḡsu

siñ, tec aê oc jalinj aômnêm gôlôac siñ amboac tonanjenj.

<sup>7</sup> “Êsêac têtù taêsam, ma nêñ sec, tañ sêgôm gêdêñ aê nanj, kêtù sêga. Amboac tonanjenj aê oc janam êsêac waenj ôkwi atu binj majenja êndêñ êsêac naan-naan. <sup>8</sup> Aênoc lau nêñ sec kêtù êsêacnêñ mo ma êsêac mateñ katu ñoc lau nêñ keso. <sup>9</sup> Amboac tonanjenj gêñ, tañ êtap lau tau sa nanj, oc etap lau dabunwaga sa amboac tonanjenj. Aê oc jamêtôc êsêac êtôm nêñ lêñ ma jakêñ ñagêjô êtôm gêñ, tañ sêgôm nanj. <sup>10</sup> Êsêac oc sêniñ gêñ, mago êôc êsêac tôn atom. Sêngôm gêñ mockaiñja to mockaiño, mago sêka gôlôac lasê têtù taêsam atom gebe sêwi aê Apômtau siñ ma sêjam sakinj gêñ mockaiñoja.”

4:11–5:3 Apômtau kêpuc boa anôtôi jaba ñasakinj.

## 5

### *Hosea kêkêñ puc kêtù sakinj gwamja*

<sup>4</sup> Sec tañ êsêac sêgôm nanj, gêsô êsêac tôn, tec gêjac jao gebe sêmu dêndêñ nêñ Anôtô sêna. Ma ñalau mockaiñja gêc êsêacnêñ ñalêlôm, tec sêjala nêñ Apômtau atom. <sup>5</sup> Nêñ tetoc taun saña kêsôm Israel lasê. Lau Epraim nêñ sec gêgôm êsêac sêka keso e sebenj ma lau Juda sebenj sêwiñ êsêac. <sup>6</sup> Êsêac oc sensom nêñ Apômtau ña nêñ domba to bulimakao, mago oc têtap enj sa atom, gebe enj kêkac tau su anja êsêacnêñ. <sup>7</sup> Êsêac sêsa Apômtau auc ma sêkôc ñapalê ñacdu. Tec ajônj wakuc oc êndanğônj êsêac to nêñ nomlênsêm samob.

### *Siñ gêc Juda to Israel ñasawa*

<sup>8</sup> Anac dauc êtañ anja Gibea. Anac dauc êtañ anja Rama. Amôc kapôênj anja malac Bet Awen.

Atakê Benjamin. <sup>9</sup> Epraim oc êtu gamêḡ gasaḡ teḡ êndêḡ bêc jakêḡ ḡagêḡoḡa. Aê oc jasôm biḡ, taḡ ḡanô êsa biḡḡanôḡeḡ naḡ, lasê êndêḡ Israelnêḡ ḡôlôacmôkê.

<sup>10</sup> Laumata Judaḡa têtôm lau, taḡ sêjam nom ḡamadiḡ ôkwi, tec aê oc jakêc ḡoc têtac ḡandaḡ êpi êsêac êtôm bu naḡ. <sup>11</sup> Êsêac sêkôninḡ Epraim tôḡ. Sêkôc ênê gamêḡ, taḡ eḡ ḡêwê kainḡ jagêdêḡ naḡ, su ḡam gebe eḡ ḡêja ḡêdêḡ lau, taḡ têtôm gebe sênam eḡ sa atom naḡ. <sup>12</sup> Mago Epraim ḡêlic aê amboac bulesenḡ ma Juda ḡêlic aê amboac têmoa.

<sup>13</sup> ḡêdêḡ taḡ Epraim kêsaê nê ḡêmac ma Juda kêsaê nê kamoc naḡ, Epraim ḡêdi ḡêja Asuria ma kêsakinḡ biḡ ḡêdêḡ kinḡ kapôêḡ. Mago eḡ kêtôm gebe êḡḡôm êsêac ôlinḡ ḡajam êsa me êḡḡôm nêḡ kamoc emo atom. <sup>14</sup> Aê oc jatôm lewe teḡ êndêḡ Epraim ma oc jatôm lewe wakuc êndêḡ Juda. Aê, aê tauc jakac êsêac popoc ma jaêc jana. Aê jakôc êsêac jana ma teḡ êtôm gebe ênam êsêac sa atom. <sup>15</sup> Aê gabe jamu jana ḡoc gamêḡ êtiam e êsêac sêjala nêḡ keso to sensom aê laḡôcanô. Embe sêpô lêna taḡḡ oc sensom aê ma sêsôm gebe

## 6

<sup>1</sup> “Ajôc, aêac tamu dandêḡ Apômtau tana êtiam, gebe eḡ kêkac aêac popoc, eḡ oc êḡḡôm aêac ôlinḡ ḡajam êsa êtiam. Eḡ ḡêjac aêac ôlinḡ lasê, mago eḡ oc ênsambaḡ aêacnêḡ kamoc. <sup>2</sup> Bêc luagêc ênaḡa acgom, go eḡ êḡḡôm aêac matenḡ jali êsa. Êndêḡ bêc êtu têlêac eḡ oc êḡu aêac sa gebe tamoa eḡ laḡônêmḡa. <sup>3</sup> Tajala Apômtaumaḡ, danḡôm tanac ḡawae gebe tajala Apômtau. Eḡ oc mênêô lasê



binjanôgen amboac gelenmata ma êndên aêac amboac kom, amboac kom namuņa, taņ kêmaloŋ nom naņ.”

### *Apômtau gêjô bin*

<sup>4</sup> “O Epraim, aê jaņgôm asagen êndên aôm. O Juda, jaņgôm aôm amboac ondoc. Nêm têmtac gêwiņ aê amboac tao gelenmataņa teņ ma amboac maniņ, taņ kêpa gêdên oc kêpigen naņ. <sup>5</sup> Kêtu tonanņa aê kasakiņ noc propete gebe sênac êsêac, taņ gajac êsêac êndu ŋa aê aoc ŋabiņ naņ. Ma noc mêtôc mênêpi amboac oc ŋawê. <sup>6</sup> Aê gabe jalic nêm da atom, gabe jalic amacnêm têmtac gêwiņ tengeņņa. Noc lau sêjala aêņa tonanņanô kêlêlêc sêkên daja su.”

6:7–10:15 Ŋasêbu tonec gêjac miņ gebe Apômtau kêmêtôc nê lau Israel kêtu nêņ secņa ma kêtu sêjac nêņ kiņ ênduņa. Ŋagêjô oc êtap êsêac sa kêtu taên kêka ŋaclai jabaņa ma kêtu sêjam sakiņ gwamņa amboac tonanņeņ.

## 11

### *Anôto têtac gêwiņ nê lau, taņ sêli tauņ sa naņ*

<sup>1</sup> “Gêdên taņ Israel ŋapalêgen naņ, aê têtac gêwiņ eņ ma gamôêc noc latuc anņa Aiguptu gêmên. <sup>2</sup> Aê gamôêc-gamôêc eņ, mago eņ gaja ec-gêja ec ma kêkên da gêdên Bal ma da ŋamalu gêdên gwam. <sup>3</sup> Aê tec kadôn Epraim gebe êsêlên. Ma kasip eņ sa. Mago êsêac sêjala gebe aê gagôm êsêac ôliņ ŋajam kêsa naņ atom. <sup>4</sup> Aê gajam gôliņ êsêac ŋa gôliņ taê walônņa to gaê êsêac ŋa lêpoa têtac gêwiņņa. Aê gajam êsêac sa gebe kion, taņ gêsac êsêac gêsunjtêkwa

naŋ, êkôninŋ êsêac tôŋ atom ma gawec ma galôm êsêac.

<sup>5</sup> “Êsêac sedec gebe sêmu dëndêŋ aê sêmêŋ, amboac tonanŋ oc sêmu sêna Aiguptu êtiam, ma Asuria ênam gôlinŋ êsêac. <sup>6</sup> Sinŋ oc êsa anŋa nêŋ malac ma enŋen nêŋ malac ŋakatam ŋawalô ma êndanŋônŋ êsêac su anŋa nêŋ malac ŋajaŋa ŋalêlôm. <sup>7</sup> Aêŋoc lau sebe sêkac tauŋ su anŋa aêŋoc sêmoa, amboac tonanŋ kionŋ ênsac êsêac gêsuntêkwa ma teŋ êoc su atomanô.

<sup>8</sup> “O Epraim, aê jawi aôm sinŋ amboac ondoc. O Israel, aê jakêŋ aôm êndêŋ lau tentenlatu amboac ondoc. Aê janŋôm gêŋ, taŋ gagôm gêdêŋ Adma naŋ, êndêŋ aôm amboac ondoc. Aê janŋôm gêŋ, taŋ gagôm gêdêŋ Seboim naŋ, êndêŋ aôm amboac ondoc. Aêŋoc ŋalêlôm kêkac tau ôkwi ma taêc walô aôm kêlêlêc su. <sup>9</sup> Aê oc janŋôm ŋoc têtac ŋandanŋ kapôênŋ ŋanô êsa atom. Aê gabe jansenŋ Epraim su êtiam atom. Gebe aê Anôtô, aê ŋamalac atom. Aê ŋac dabunŋ, taŋ gamoa aôm ŋalêlôm naŋ, ma aê jawac êtu jansenŋ sunŋa atom.”

11:10–13:3 Anôtô êmêtôc to êmasuc nê lau êtu nêŋ lêŋ alôb-alôbŋa ŋabinŋ ŋagêdô gêc ŋasêbu tonec. \* to Gomora.

## 13

### *Mêtôc ŋamuŋa kêpi lau Israel*

<sup>4</sup> “Aê Apômtau, aômnêm Anôtô, gêdêŋ taŋ aôm gômoea Aiguptu naŋ. Aôm kôjala Anôtô teŋ gêwiŋ atom, aê taucgeŋ ma Kêsiwaga teŋ gêmoea atomanô. <sup>5</sup> Aê gajam aôm sa anŋa gamêŋ sawa to gamêŋ

\* **11:9:** Adma to Seboim, malac luagêc tonanŋ sêjaŋa sêwiŋ Sodom

ņakelen. <sup>6</sup> Mago gêdêņ taņ sêsô gamêņ ņajamanô tau naņ, seņ gêņ gêôc êsêac tôn. Ma gêdêņ taņ seņ gêôc êsêac tôn naņ, go tetoc taņ sa ma sêliņ aê siņ. <sup>7</sup> Tec aê gajam duc êsêac amboac lewe ma gadib êsêac aņga intêna ņamagê amboac pusip saleņņa leopard. <sup>8</sup> Aê oc jajanda amac amboac bôc ber têna teņ, taņ sêkôc ênê ņalatu su naņ, jajanda ma jakac êsêac ôliņ lasê ma jandaņgôn êsêac amboac lewe kêdaņgôn gwada ma amboac bôcbôm êkac êsêac popoc.

<sup>9</sup> “O Israel, aê oc jansen amac su. Asa êtôm gebe ênam amac sa. <sup>10</sup> Amacnêm ņagêdô sêsôm gebe ‘Ôkêņ kiņ to gôliņwaga êndêņ aêac’ ma galoc nêm kiņ gêmoa ondoc gebe ênam amac kêsi. Nêm gôliņwaga, taņ sênac siņ êtu amacņa naņ, sêmoa ondoc. <sup>11</sup> Kêtu ņoc têtac ņandaņņa aê kakêņ kiņ teņ gêdêņ amac ma kêtu ņoc ņalêlôm kêbôli aucņa aê kakôc eņ su.

<sup>12</sup> “Aê kakic Israelnêņ sec to keso tôn, ma gajac ênê sec sa to gajob. <sup>13</sup> Gabêsi mênģêô lasê kêtu eņņa, mago eņ latu masi, gebe galoc eņ gedec gebe êwi ņaabêlôn siņ. <sup>14</sup> Aê oc janam êsêac kêsi êndêņ lamboam atom. Jakac êsêac su aņga ņaclai gêmacanôņa atom. Gêmacanô, nêm ņaclai gêc ondoc. Lamboam, nêm ņaclai onseņ suņa gêc ondoc. Aê taêc walô lau tonec êtiam atom. <sup>15</sup> Epraim oc êtôp amboac siņ, mago mu oc kêpiņa oc êmêņ, Apômtaunê mutêna oc êô lasê aņga gamêņ sawa, go êņgôm ênê bumata êpa ma ênê bu ņamôkê ņakelen êsa ma êjaņgo awamata samob su aņga ênê kanom. <sup>16</sup> Samaria oc êôc nê ņagêjô êtu gêli tau sa gêdêņ nê Anôtôņa. Siņ oc enseņ êsêac su. Oc sênac êsêacnêņ ņapalê ņasec-ņasec popoc ma sêsêlê lauo, taņ sêmoa teņ naņ, nêņ têtacwalô.”

# 14

## *Hosea gêlêḡ biḡ lau Israel*

<sup>1</sup> O Israel, ômu ôndêḡ Apômtau, aômnêm Anôtô, ôna gebe nêm sec gêgôm aôm gôjac taôm êndu. <sup>2</sup> Ômu ôndêḡ Apômtau ôna ma ôkôc biḡ tonec êwiḡ. Ôsôm êndêḡ eḡ gebe “Ôsuc ma keso samob ôkwi gebe ḡalêlôm ḡajam êsa ma akêḡ awerḡsur ḡalambiḡ êtu da êndêḡ aôm. <sup>3</sup> Asuria ênam aêac sa atom. Aêac naapi aḡgôḡ hos ḡaô atom. Ma aêac oc asôm êndêḡ lemeḡ ḡakôm gebe ‘Aêacnêḡ Anôtô’ naḡ êtiam atom gebe aôm taômgeḡ taêm walô mosêbu.”

## *Apômtau gêjac mata moasiḡ wakuc gêdêḡ Israel*

<sup>4</sup> “Aê gabe jaḡgôm êsêacnêḡ gêmac sêwi aê siḡḡa ḡajam êsa. Aê oc têtac êwiḡ êsêac janac ḡawaegeḡ gebe ḡoc têtac ḡandanḡ kêkac tau su aḡḡa êsêacnêḡ. <sup>5</sup> Aê oc jatôm maniḡ êndêḡ lau Israel. Nêḡ ḡaola ênac lêtêḡ amboac mênamiḡ ma nêḡ ḡawakac êsêlêḡ êsêp nom amboac kalelonḡ ḡawakac. <sup>6</sup> Êsêacnêḡ ḡasêli oc esewec, nêḡ ḡakatu amboac katêkwi ḡakatu ma. nêḡ ḡamalu amboac môsê Lebanonḡa. <sup>7</sup> Êsêac oc sêmu sêmêḡ sêḡgôḡ aêḡoc ajuḡlabu êtiam. Êsêac oc têtôm amboac kôm ḡajam teḡ ma sênam ḡaola amboac kôm wainḡa teḡ. Ma nêḡ wain ḡanô êtu wain towae amboac wain Lebanonḡa. <sup>8</sup> O lau Israel, aêagêc gwam ma asageḡ ḡagêdô gêdêḡ tauḡ. Aê taucgeḡ jajô aômnêm biḡ ma janam jaom aôm. Aê katôm ka, naḡ ḡalauḡ ḡamajaḡ ḡapaḡ ma nêm moasiḡ samob gêmêḡ aḡḡa aêgeḡ.”

<sup>9</sup> Asa kêtû ḡac tokauc gebe êjala gêḡ tonec. Asanê kauc kêsa gebe êlic gêḡ tonec. Apômtaunê intêna

solop ma laugêdêᶇ oc sêsa intêna tau, mago lau  
alôb-alôb oc sênac taunᶇ êndu.

**BIBOLO DABUN**  
**The Holy Bible in the Yabem language of Papua New Guinea**  
**Buk Baibel long tokples Yabem long Niugini**

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

---

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb